0.0.1 āpaņasuttam

- 1. ekam samayam bhagavā angesu viharati āpaņam nāma angānam nigamo. tatra kho bhagavā āyasmantam sāriputtam āmantesi: "yo so sāriputta, ariyasāvako tathāgate ekantagato, abhippasanno api nu so¹ tathāgate vā tathāgatasāsane vā kankheyya vā vicikicheyya vā"ti?
- yo so bhante, ariyasāvako tathāgate ekantagato² abhippasanno na so tathāgate vā tathāgatasāsane vā kańkheyya vā vicikiccheyya vā. saddhassa hi bhante, ariyasāvakassa etam pātikankham: "yam āraddhaviriyo viharissati akusalanam dhammanam pahanaya kusalānam dhammānam upasampadāya thāmavā daļhaparakkamo anikkhittadhuro kusalesu dhammesu. yam hissa bhante, viriyam tadassa viriyindriyam. saddhassa hi bhante, ariyasāvakassa āraddhaviriyassa etam pātikankham: "yam satimā bhavissati paramena satinepakkena samannāgato cirakatampi cirabhāsitampi saritā anussaritā. yā hissa bhante, sati, tadassa satindriyam. saddhassa hi bhante, ariyasāvakassa āraddhaviriyassa upatthitasatino etam pātikankham: "yam vossaggārammanam karitvā labhissati samādhim labhissati cittassekaggatam, yo hissa bhante, samādhi tadassa samādhindriyam.

¹na so - machasam, syā.

²ekantigato - sīmu.

bjt page 398

- saddhassa hi bhante, ariyasāvakassa āraddhaviriyassa upatthitasatino samāhitacittassa etam pātikankham: "yam evam jānissati anamataggo kho samsāro pubbā koti na paññāyati avijjānīvaranānam sattānam tanhāsamyojanānam sandhāvatam samsaratam avijjāvatveva tamokāvassa³ asesavirāganirodho, santametam padam, panītametam padam, yadidam sabbasankhārasamatho sabbūpadhipatinissaggo tanhakkhayo virāgo nirodho nibbānam, yā hissa bhante, paññā tadassa paññindriyam, sa kho so⁴ bhante, ariyasāvako evam padahitvā padahitvā evam saritvā saritvā evam samādahitvā samādahitvā evam pajānitvā pajānitvā evam abhisaddahati: "ime kho te dhammā ye' me pubbe sutāva⁵ ahesum, te'dānāham etarahi kāyena ca phusitvā⁶ viharāmi, paññāva ca anativijiha⁷ passāmī"ti, vā hi'ssa bhante, saddhā tadassa saddhindriyanti.
- 4. sādhu sādhu sāriputta, yo so sāriputta, ariyasāvako tathāgate ekantagato abhippasanno, na so tathāgate vā tathāgatasāsane vā kaṅkheyya vā vicikiccheyya vā. saddhassa hi sāriputta, ariyasāvakassa etaṃ pāṭikaṅkhaṃ: "yaṃ āraddhaviriyo viharissati akusalānaṃ dhammānaṃ pahānāya kusalānaṃ dhammānaṃ upasampadāya thāmavā daļhaparakkamo anikkhittadhuro kusalesu dhammesu, yaṃ hissa sāriputta,

³tamokāyasseva - sīmu, sī 2.

⁴saddho so - machasam.

⁵sutavā - machasam.

⁶phassitvā - sī 1, 2.

⁷paṭivijjha - machasam.

pts page 226

viriyam, tadassa viriyindriyam. saddhassa hi sāriputta, ariyasāvakassa āraddhaviriyassa etam pāṭikaṅkham "yam āraddhaviriyo viharissati akusalānam dhammānam pahānāya kusalānam dhammānam upasampadāya thāmavā daļhaparakkamo anikkhittadhuro kusalesu dhammesu, yam hissa sāriputta, viriyam, tadassa yā hissa sāriputta, paññā tadassa paññindriyam. sa kho so sāriputta, ariyasāvako evam padahitvā padahitvā evam saritvā saritvā evam samādahitvā samādahitvā evam pajānitvā pajānitvā evam abhisaddahati: "ime kho te dhammā ye'me pubbe sutāva ahesum tedānāham⁸ etarahi kāyena ca phusitvā viharāmi paññāya ca ativijjha passāmī"ti. yā hissa sāriputta, saddhā tadassa saddhindriyantī.

⁸tenāhaṃ - syā. pts page 227